



ო, ადამის შვილო, ჭეშმარიტად, მე აუცილებლად გაპატიებ შენ, მიუხედავად იმისა, რა ცოდვები გაქვს ჩადენილი, სანამ არ შეწყვეტ ჩემს მიმართ ვედრებას და იმედის ქონას ჩემზე

ანასისაგან (აღლაჰი იყოს მისით კმაყოფილი) გადმოცემულია რომ მან თქვა: "მე მოვისმინე, როგორ თქვა აღლაჰის მოციქულმა (აღლაჰის ლოცვა და მშვიდობა მას): «ყოვლადკეთილი და ყოვლისშემძლე აღლაჰმა თქვა: "ო, ადამის შვილო, ჭეშმარიტად, მე აუცილებლად გაპატიებ შენ, მიუხედავად იმისა, რა ცოდვები გაქვს ჩადენილი, სანამ არ შეწყვეტ ჩემს მიმართ ვედრებას და იმედის ქონას ჩემზე! ო, ადამის შვილო, თუ შენი ცოდვები ცის ღრუბლებამდე მიაღწევს, ხოლო შემდეგ შენ ითხოვ ჩემგან მითევებას, მე აუცილებლად გაპატიებ შენ, მიუხედავად იმ ცოდვებისა! ო, ადამის შვილო, თუ შენ ჩემთან მოხვიდე ისეთი ცოდვებით, რომლებიც დედამინის ზომას აღწევს, მაგრამ ჩემს წინაშე წარსდგები ისე, რომ არავის შეუდარებ ჩემთან თაყვანისცემაში, მე აუცილებლად მოგანიჭებ შენ მითევებას, რომელიც მოიცავს ყველა ამ ცოდვას!»

[კარგი (ჰასან)] [გადმოსცა ალ-თირმიზიმ]

აღლაჰის მოციქულმა (აღლაჰის ლოცვა და მშვიდობა მას) გვამცნო, რომ უზენაესი და დალოცვილი აღლაჰი ამბობს წმინდა ჰადისში (ყუდსში): ო, ადამის შვილო, სანამ შენ ჩემს მიმართ ვედრებას გამოხატავ და ჩემი წყალობის იმედი არ დაგეკარგება, მე დავფარავ შენს ცოდვებს და წავშლი მათ, არ მივაქცევ ყურადღებას, თუნდაც ეს ცოდვები ძალიან მძიმე იყოს. ო ადამის შვილო! თუკი შენი ცოდვები იმდენად ბევრი იქნება, რომ შეავსებს ცასა და მიწას შორის სივრცეს, მიაღწევს მათ საზღვრებს და მოიცავს ყველა მხარეს, მაგრამ შემდეგ მოინანიებ, მე ყველა მათგანს წავშლი და გაპატიებ ისე, რომ მათ სიმრავლეს არ მივაქცევ ყურადღებას. ო, ადამის შვილო, ჭეშმარიტად, თუ შენ ჩემთან შენი გარდაცვალების შემდეგ მოხვიდე ისეთი ცოდვებით, რომლებიც დედამინის სიდიდისაა, მაგრამ მოკვდები ერთღმერთიანობაზე, არ დამიდგენ არავის თანაზიარად, მე ამ ცოდვებზე მოგცემ ისეთივე სიდიდის მითევებას, როგორც დედამინაა, რადგან ჩემი წყალობა უსაზღვროა და მე ვპატიობ ყველა ცოდვას, გარდა შირქისა (მრავალღმერთიანობა).

النجاة الخيرية
ALNAJAT CHARITY

